

專治血症經驗良方論

序

五行並生天地而民非水火
不生活則五行中獨水火爲
用大按諺三山六水一田之
說而山又爲水之源則水之

用尤大人身小天地也譬諸
天地山骨也水血也土田則
肉焉而已矣以血貫於骨肉
中猶水之源于山而流于土
也水乾則土槁血殫則人亡

勢所必至理有固然歙州潘
君雲師篤行君子也著治血
症良方一書以爲人生水常
不足火常有餘欲其壯水也
莫先降火欲降火而以涼藥

治者什無一生以童便治者
百無一死緣洩溺出於人身
與血同源是以人補人焉爾
雲師少通經術以久病讀方
書盡得其典要知洩溺之功

用大久服不懈沉痾頓起且
精健踰疇昔不忍以良方私
諸已大暢厥辭以公海內是
作者之意也潘君雖家海陽
而久移崑婁之間與吾倩趙

茶陵婣姪茶陵曾稱其嗜學
稽古卓爾不羣樂善好施根
於天性今讀其書而知其人
固篤於救世而小見之于方
藥者乎唐陸宣公旣謫忠州

常閉戶不見一人又避謗不
著書地苦瘴癘爲古今集驗
方五十篇以傳世余名位遠
不逮宣公而憂讒畏謗實過
之今衰病日甚無意當世擬

學忠州集方以送日見雲師
所述而釐然有會於心遂題
數行以識于後

肯

康熙壬辰歲之陽月

賜進士出身山東道監察御史
協理河南江南道稽察吏
戶二部事巡視南城督理
京營充

大清一統志纂脩官校對

御選古文淵鑒前內府中書科

中書舍人管理誥敕丁卯

山西主考加三級年家眷

弟徐樹穀拜撰

序

天都潘子雲師近居吾里與余交
言及前此屢患血症余因知其善
病也而不知其善醫也後見軀幹
日益魁偉余又第知其善頤養也
而未暇詳其所以頤養也去年春
舊疾復萌不踰時即愈且強壯一

如未發時余詢其故因出其所著
服童便論示余曰此余之所以有
病而卒無病也余將以療一己之
病者療天下之病顧此中三昧非
子不能知非子不能言余旣惟子
之是正并願得子言以弁於首使
觀者知潘子之論亦即趙子之目

且令百千里外服其說者即無異
延趙子於家而服其劑也余因閱
其論而躍然起曰潘子於此道竟
已三折肱乃爾耶余嘗謂醫者視
病無不審其陰陽虛實者陰虛則
補陰陽虛則杜陽此一定之理而
陰虛者常至不治則以醫家但知

題序二

制陽以配陰而不知補陰以配陽也蓋陰衰則陽盛非陽盛也陰不能制陽而陽亢乎上也醫者見其脈數虛大咽乾喉痒咳嗽吐血遂謂是陽之不可不制也而芩連知栢投之不已嗟乎陰陽之不可受伐均也今以陰虛故并陽而伐之

何異患風痺人曰吾左臂已病矣
右臂何為獨完而并以酒色伐之
乎勢必陰陽俱竭後即有扁鵲倉
公亦且望而却走也善乎昔人之
論曰服寒涼者百不一生服童便
者百不一死蓋補陰而不傷陽者
莫童便若也余少奉先人之教補

陰配陽之論束駿受書即耳熟焉
歲庚午歸自北雍遂絕意舉子業
思欲盡究黃岐諸書迄今二十餘
載閱歷諸血症無慮千百療治之
法稍知出入變化而終無以易乎
補陰配陽之義觀潘子之論抑何
實獲我心也閱是編者謂是潘子

之書也可謂是趙子之書也可患
血症者由其說謂即延趙子於家
而服其劑也可謂潘子實三折肱
之良醫而受其療治也亦無不可
時

康熙歲次壬辰季夏年家眷教弟
趙光弼拜譔

叙

嘗讀周禮一書醫人掌萬民之
疾職隸天官心竊疑之何其鄭
重也及廣搜軒岐之書閱焉義
蘊宏深真能補造化之所未及
始知良鑒同於良相洵不誣已

余於己丑歲就館于新安潘子
雲師家晨夕晤對見其氣體
豐厚盈溢必有善於調養之法因
詢其故廼謂余曰向嬰血氣
甚剋醫藥罔效思覓一良方又
不可得會閱本草綱目知童便

專治血症遂服之立愈今越
數載精力遠勝於昔夫而後
知病之所以愈之後之所以調
養不過日服童便初無他法
是真血症之良方也今歲季夏
雲師携書一卷問叙於余展

許序二

玩之即血症良方論其中致
病之由養病之道服童便之
法无不詳審精密又為苦之不
可得童便而以白便代之者設
一變通之途并将歷來微驗備
載於末為庸愚者微醒條分

縵折頗舍軒岐大旨顧吾窺
雲師之意亦深憫人之抱此症
皆不知量便之為良方遂致
損者十有六七天地以生物為
心而人即心天地之心是雖目所
未見耳所未聞猶存一欲立明

達之念況身得其效目擊人之
服此而生不服此而死亦何惡知之
而不言之而不盡乎故雲師
不惜勤勞採集諸家所論血脈
云服童便者融會言之而又捐
貲刊刻廣施於世以為斯人之

指南舉凡抱此症者得此方
人、有起死回生之樂其利
澤及人又何可量哉然則雲
師非知醫者遠而功同於良相
矣

康熙歲次壬辰季夏安江許錫

元謀

專治血症經驗良方論

天都潘為縉雲師氏審

玉峰趙光弼方郭氏校

坦上仇一璞魯珍氏叅

血症良方論

夫人受天地之氣以生。受天之陽氣為氣。受地
之陰氣為血。天包乎地。地統乎天。故氣常有餘。
血常不足。經曰。年至四十。陰氣自半。而起居衰。

血症良方

麟振堂

又曰男子六十四歲而精絕。女子四十九歲而

經斷。夫以陰氣之成止。洪三十年之用已先虧。

言之危東

矣。若之何而可不養耶。但孤陽不生。獨陰不成。

陽和則發生。陰和則成實。陽生陰長。陽殺陰藏。

陰在內。陽之守也。陽在外。陰之使也。陰勝則陽

病。陽勝則陰病。陽勝則熱。陰勝則寒。重熱則寒。

重寒則熱。重陰必陽。重陽必陰。陽虛則外寒。陰

虛生內熱。陽盛生外熱。陰盛生內寒。陽亢則焦。

枯陰凝則固閉。陽病者上行極而下。陰病者下行極而上。犯賊風虛邪者。陽受之。食飲不節。起居不時者。陰受之。此皆一定之理。總而言之。一身之陰陽。即為一身之氣血。然陽能統陰。陰不能統陽。故血隨氣行。亦如夫唱婦隨。善養陰者。無有不善養陽者也。彼昧昧者。徇情縱欲。以致精氣既衰。血亦消耗。泛溢以我之所生。反為我之所賊。是亦不知養生之道者也。故補陽必

於陰中求陽補陽而不碍肝腎則陽得陰助而
生化無窮補陰必於陽中求陰補陰而不碍脾
肺則陰得陽升而血脈自盛蓋血者中焦受水
穀之氣取水穀之精變化而赤乃成血統於脾
生於心藏於肝布於肺施於胃臟得血而能津
腑得血而能潤目得血而能視舌得血而能言
手得血而能持足得血而能行血為榮氣為衛
晝夜循環運行不息一有感傷調理失宜遂致

陽盛陰虛。錯經妄行。火載則上行。挾濕則下行。是以上溢清道。從口鼻而出。留滯濁道。由胃脘滲入腸間。從下部而出。分經言之。嘔血吐血。胃也。咳血鼻血。肺也。痰中帶血。脾也。咯血絲腎也。溺血。出小腸膀胱也。下血。大腸也。牙宣。胃與腎也。又血從汗出者。謂之肌衄。從舌出者。謂之舌衄。心與肝也。從委中出血者。謂之臍血。腎與膀胱也。無潮熱者。輕。有潮熱者。重。又有婦人血癥。

血○癥○之○病○總○之○皆○血○症○也○名○號○不○一○大○約○俱○係○
熱○症○但○有○虛○實○新○舊○之○不○同○而○或○妄○言○為○寒○者○
誤○也○然○血○從○下○流○者○為○順○易○治○血○從○上○溢○者○為○
逆○難○治○書○云○形○役○則○陽○無○神○靜○則○陰○生○惟○陽○盛○
則○陰○必○衰○陰○虛○則○火○必○動○血○從○火○起○錯○經○而○妄○
行○故○逆○上○溢○口○鼻○而○吐○衄○者○多○非○出○於○肺○即○出○
於○腎○苟○不○分○虛○實○妄○行○劫○劑○則○陽○不○抑○日○以○熾○
陰○不○補○日○以○消○矣○故○曰○難○治○抑○陽○補○陰○乃○其○要○
一○篇○宗○旨○

也。若血從下出者。非熱乘乎陰。即濕蒸於血。可清可涼者也。血成積者。非死血內凝。則瘀血未盡。可行可破者也。故曰易治。若不窮究其源。則實實虛虛之患。不能免也。據古來諸名家所論。皆云吐血。咳血。咯血。唾血。等症。多是陽盛陰虛。故血不下行。因火炎上之勢。而上出。大法補陰抑火。使復其位。若胸中氣塞。上吐紫血者。當以順氣為主。先吐血。後見痰嗽者。是陰虛火動。先

歷陳治法如聽太翁公對文帝語意潘子亦從公乘陽慶耶

痰嗽後見紅者是積熱勞傷嘔出全是血者胃
口熱極鬱蒸而出或暴吐紫血者此熱傷血死
於中若吐紅俱帶痰涎一二碗不止者此是飲
食不節大傷脾氣宜以健脾為要久嗽後痰中
俱帶血絲者咳傷肺金宜以清肺為急唾出俱
是粉紅色中帶血點者此係色慾太過腎水已
竭咯出成塊者死血內凝損傷絡脈所致若盛
怒後驟然吐血者此怒氣傷肝肝藏血故泛溢

而上鼻血者陽熱怫鬱於足陽明故血妄行宜以涼血行血為主至于溺血屬膀胱濕熱大抵小便出血則小腸氣秘氣秘則便難痛者謂之淋不痛者謂之溺血下血當別其色鮮紅者為大熱色瘀者次之此因飲酒過多及啖糟藏炙煨等物之故治血症者不可端用血藥蓋端用血藥則泥而不行惟治火則止夫火亦不一相火之外又有臟腑厥陽之火五志之動各有火

○處○
○挈○明○

起相火者。所謂一水不勝二火之火。出於天造。厥陽者。所謂一水不勝五火之火。出於人欲。凡有血症者。身熱脈大。是火邪勝。若身涼脈靜。是正氣將復也。他如傷寒衄血。多有在經表邪吐血。皆屬傳經裏證。以當汗不汗。熱毒入內。迫血妄行。從胃脘而出也。甚至唾膿血。無不因邪熱鬱發所致。當以散邪為主。又未可端以血症治也。按古方治血症者。不可勝計。未能備載。然不

述其一二大槩。未免茫無畔岸。故採其最著者。列之于後。雖不免掛一漏萬。亦庶乎備知者之參考耳。凡血症大約以四物湯為主。芎歸芍地是也。隨症加減。若陽乘於陰。血熱妄行。不能即止。服茜根散。茜根阿膠黃芩甘草側柏葉生地其甚者。用四生丸。生荷葉生艾葉生栢葉生地是也。若來如湧泉。用七生湯。生荷葉生姜生地生藕汁生韭葉生茅根搗汁磨金墨服之。是

也。出於胃實者。用犀角。地黃湯。犀角。生地。白芍。丹皮。虛者。用建中湯。桂枝。甘草。大棗。白芍。生姜。阿膠是也。氣塞者。用桃仁承氣湯。芒硝。甘草。大黃。桂。桃仁是也。內有鬱熱。用生地黃散。枸杞。柴胡。黃連。地骨。天冬。白芍。甘草。黃芩。黃芪。生地。熟地是也。若咳嗽咽乾。勞傷肺胃。用大阿膠丸。阿膠。麥冬。茯苓。神。栢子仁。百部根。杜仲。丹。參。貝母。防風。山藥。五味。熟地。遠志。人參。茯苓是也。此數方。

俱係古名家所定。歷有神驗。但症有不同。當因時加減。熱者加以清熱之藥。痰勝者加以消痰之藥。氣逆者加以順氣之藥。實者攻虛者補。神而明之。存乎其人。要未可膠柱而鼓瑟也。抑吾竊有慮者。治病之法有四。曰望聞問切。望與聞固是上乘法。世縱不乏其人。而未可槩望之醫者。今之所恃者。惟問與切耳。而問與切不可偏廢。每見世之看病者。問之非不甚詳。而診視脈

執醫家之
真方服市
僧之假藥
自是抱病
家通患

立病百方

唐·李

息。不過。指頭。三點。所謂。脈診。神診。色診。證診。形

診。五過。四失。絕不。參伍。其間。第就得之。所問者

過爾爾

俗醫伎倆不

隨意。用藥。脈既。不能。詳悉。病豈。能得其。本原。如

水。投石。固其。宜也。况。抱病。之家。每每。貪圖。便利。

藥。不取。之醫。家。但求。方以。贖之。藥舖。不論。道地。

不計。分兩。不擇。藥材。之。高下。不知。炮製。之。失宜。

是藥。便服。以此。而欲。起死。回生。庸可。得乎。且吳

說

吳下風俗處尤切中膏肓但未免受巫家柳

下風俗。尤重。祈禱。病愈。輒歸。功鬼。神甚。者。遂有

不藥而愈之說。嗟乎。藥果可以弗服。則義軒岐
伯已不必傳其說。而千百年来。諸名家之各著
其書者。亦為多事矣。豈理也哉。但症有內外時
有冬夏。體有虛實。藥之溫涼寒熱。一或誤投。其
禍立見。故吾論失血一症。雖略載幾方。不過備
人查閱。而亦不可以輕服。若服之。可暫可常。可
時○危○急○若○要○病○不○發○必○須○常○服○方○可○除○根○
入藥。亦可。單服。四時皆宜。內外悉效。無論體之
虛實。厚薄。吐血。嘔血。咯血。咳血。牙宣。鼻衄。皆可。

治○者○莫○若○童○便○之○為○第○一○良○方○也○

專治血症良方

童便

自便

味鹹。性溫。不寒。無毒。素問名洩。
綱目名輪迴酒。李時珍名還元。
湯凡吐血。嘔血。咳血。咯血。鼻衄。
牙宣。一切等症。服此一味。無不
立愈。服法列後。
與童便之功略緩。如家貧不可
得童便。以此代之。服法列後。

按童便乃津液之濁者。滲入膀胱而出。本經云。其味鹹而善走。其性溫而不寒。為除勞熱。骨蒸咳嗽。吐血。紅及婦人產後血暈。悶絕之聖藥。晉褚澄勞極論云。降火甚速。降血甚神。飲溲溺百不一死。服涼藥百不一生。言其功力之優勝也。其遺書又云。人喉有竅。則咳血殺人。喉不停物。毫髮芥蒂。必欬血。既滲入愈。滲則愈。欬愈。欬則愈。滲惟飲溲溺。自然立愈也。可見溲溺為肺腎有

此為金科玉律

軒岐家當奉

所謂謂晨轉沉痾

火者必須之藥。經云：飲入於胃，游溢精氣，上輸於脾，脾氣散精，上歸於肺，通調水道，下輸膀胱。夫水道者，關門也。主分泌水穀，糟粕入太腸，水汁滲入膀胱。膀胱者，州都之官，津液之府，氣化則能出矣。陰陽應象論云：清陽為天，濁陰為地。地氣上為雲，天氣下為雨。故清陽出上竅，濁陰出下竅也。人之所小便者，入胃亦隨脾之氣上歸於肺，下通水道而入膀胱，乃循其舊路也。故

時○珍○所○謂○還○元○也○

能治肺腎諸病。引火下行。凡人精氣清者為氣。濁者為血。濁之清者為津液。清之濁者為小便。然則小便者。本與血同類也。是以崩走血分。能伏虛熱。使火不上炎。血不妄溢。而需療諸血症也。蘇恭云。久嗽失血。以致上氣失聲者。服童便立愈。日華子亦云。咳血吐血。衄血悶血。瘀等症。非童便不能療。故本經主治寒熱頭痛。溫氣者。能除邪熱。故耳。若以入藥。參互論治。陰虛咳嗽。

聲啞喉間血腥氣宜同枇杷葉天冬麥冬蘇子
桑白皮沙參五味子生地欬冬花百部等藥治
內傷吐血或瘀血停留作痛宜同蘇朱降香茜
草續斷牛膝牡丹皮蒲黃等藥治產後血暈宜
同澤蘭荊芥白芷續斷延胡索牛膝蘇木等藥
此端以血分言也。若以兼治他症論如聖濟
總錄以童便治頭痛。孟詵必效方以童便治
骨蒸發熱。聖惠方以童便治絞腸痧痛消渴

下痢 張仲景以童便治中暑熱死 千金方

以童便治金瘡出血火燒悶絕 外科發揮以

童便治折傷跌撲 通變要法以童便治人咬

手指 普濟方以童便治赤眼腫痛 集驗方

以童便治鬼氣症病 蘇恭本草以童便治瘰

癧 簡便方以童便治瘡疾渴甚腋下狐臭

海上奇方以童便解諸菜毒 救急方以童便

治痔瘡腫痛 成無己以童便治傷寒少陰下

利不止乾嘔欲飲水肘後方以童便治中惡

不醒日華子以童便治產後胞衣不下陳

藏器本草以童便治蜘蛛咬毒集簡方以童

便治勞聾已久是童便之為用亦多矣童便之

為功亦大矣寧獨血症可治哉然吾專以血症

言者亦以余身抱其病頗得童便之力歷有神

效并目擊世之服童便而生不服童便而死者

不可枚舉故不憚博採而詳說之為世之抱血

症者進一妙劑也。余自幼寓居婁水。習舉子業。年十二三。稍知此中妙境。遂晝夜鑽研。罔顧勞苦。五年。嬰咯血症。家大人見病勢甚劇。將書卷束之高閣。令默坐靜養。服參苓芍地百餘劑。勢稍減。根終未除。遂歸歛。養病二載。一歲中或發一二次。或發三四次。發時未免神氣沮喪。精血消耗。非不竭力葆攝。究不能止其復發。時有善於內養者。授余坐功之法。亦終無益。二十歲就

婚吳下室人素知余多病。溫涼寒暑。曲為維持。調護藉此少安。至二十三歲。舊症大發。每日吐血。竟至升許。兼之咳嗽氣喘。面紅潮熱。飲食少進。漸至不起。驟聞人聲稍高。便欲暈去。一日之中。昏暈者數次。奄奄一息。苦無生機。吳郡諸名醫畢集。俱束手無策。復於葺城周浦廣請名醫診視。斟酌用藥。皆云病勢沉重。恐難痊可。舉家憂慮。無計可施。余亦自分必死。惟有檢點後事。

而已。然於病中稍可坐起。便廣搜岐黃之書。其中所載血症一條。方既紛然。論亦不一。即有經驗良方。恐藥不對症。亦不敢擅服。向於婁水小典。得本草綱目一部。偶為詳閱。知童便一味。治血症。疏註甚明。據云。人之有血症者。大約俱由虛火上炎。洞若觀火沖動肺葉。以火鑠金。遂致咳嗽。咳之不已。而血亦隨之逆行。滲漏而出。亦有不因咳嗽而驟然吐血者。雖經絡各有不同。總由陰

此○外○奇○無○血○症○緣○由○
虛○火○旺○血○不○歸○經○之○故○若○服○童○便○則○引○火○歸○原○
而○血○亦○順○下○各○歸○經○絡○自○無○妄○溢○之○患○余○乃○從○
生○處○在○此

其○說○急○為○服○之○每○日○四○五○次○便○覺○吐○血○稍○稀○服○
之○數○日○便○覺○面○亦○不○紅○氣○亦○不○喘○而○潮○熱○亦○退○
咳○嗽○亦○止○服○之○月○餘○血○症○遂○愈○而○飲○食○照○常○行○
坐○如○舊○服○之○年○餘○血○症○竟○不○復○發○迄○今○七○載○服○
之○無○間○而○肌○膚○豐○潤○精○力○遠○勝○於○昔○即○居○常○所○
服○藥○亦○不○過○地○黃○丸○加○減○他○無○所○服○也○去○歲○因○

往婁分析後又因伯父之喪相助料理未免間斷○初意血症已久愈○即不服童便或亦不至再發○不意去歲三月間痰中復見血絲血點○效○如○影○響○亟服

童便數日而愈○家翼六兄向年亦有血症其勢

頗為沉重○余力勸服童便○從余說服之○無間遂

愈○今已數年不發○可見凡有血症者○不可一日

不服童便也○每見世之治血症者○輒以梔連知

柏壯水以制火○自以為恪遵古法○然罕有奏效

者則以用之者。未得其當也。甚而好奇者。又矯枉過正。輒云陽能統陰。血之妄行者。陰盛陽衰之故。當以扶陽為主。遂投之以乾薑肉桂等物。

濟火自自然立○弊

是真速其死也。間有以秋石代者。此乃水澄火鍊真元之氣盡失。服之何益。豈若童便之功甚大。效甚速乎。故凡有血症者。家如殷實。宜置二三童子。令其多飲米汁。開水溺出白色者。日服之。若貧者不可得童便。竟以自便代之。久服

○若無此通交法○此書

便於貧者無濟

亦必全愈。余因身得其效。屢欲刊刻服法。以濟世人。顧以南北奔馳。未遑及此。今歲長夏。在鹿城小典。稍得寬閒。遂不辭溽暑。遍採諸書所言。致有血症之由。惟童便可以奏效者。逐一錄之。并將服法。養病法。詳載於後。以便世之抱血症者。有所遵行。而又以余之平日所見服童便而生。不服童便而死者數人。表而出之。庶足徵予言之有據也。

觀此服童
便者亦不
可徒補其
名

服童便法

一取童子十一二歲以下至九歲止擇其肥胖
淨白素無疾病者方可用其溺若面黃體瘦身
有瘡疥者彼既血脈不和正氣不足不可用
先清童便之源
一童子不可令其多食腥羶厚味酸鹹太過者
蓋多食腥羶則其氣臊多食酸鹹則其味苦臨
服時必令連飲滾水數碗或多與米飲以助水
道使彼靜坐俟其溺至皆色白而味淡者服之

若童子畏服開水。或與錢。或與菓。務誘其多飲。數碗。其溺立至。愚夫愚婦之見。輒云溺為人服。童子必黃瘦。多疾病。不能長大。余服之已十餘年。童子共計有數人。皆長而有室。淨白肥胖。並無疾病。可驗俗見之誤。

一童子溺時。以磁碗盛之。令去其頭尾。溺畢。乘熱立飲。蓋熱則真氣尚在其行。甚速。冷則但存鹹寒之性矣。

一服童便須日進三四服。若間斷一日則從前數日之功俱廢。寒天用熱湯溫碗。不至易冷。稍入姜汁或韭汁二三點。徐徐服之。自然奏效。然必於食遠時服之。方有益。

服自便法

一童便不可得。即以自便服之。效雖未及童便。久服病亦自愈。凡腥羶辛辣酸鹹太過者。槩行忌食。

一服自便者。清晨起。先小解一二次。因隔宿停。留不無積熱在內。不宜服。隨將燈心湯。或豆腐漿。連飲數碗。少頃。溺若不來。再飲粥湯一二碗。靜坐片時。其便必至。乘熱服之。

一服自便者。原因有病而服。則氣血有虧。其溺

更體貼周到

恐未能清徹如水。若拘定雪白者。方服。一日之中。不可多得。但與淡茶色相似者。便可服也。所慮者。人病亦知禁止房事。稍愈。即忘其故。我正

須時加猛省

不知元陽既散精氣自失雖服之無益也。
一不慣服童便自便者初服時恐有惡心嘔吐
等患。惟屏定氣息。或以指捉鼻。使不知氣味。
吸而盡服之。既久自無此患也。

養病法

一抱血症者須處靜室。凝神滌慮。早眠晏起。不
可浮躁。亦不可多言。浮躁則肝火易旺。多言則
精氣易耗。皆於病體有礙。故惟久於靜養其症

為急性人下○一針

非惟却病
且可與談
釋理

自然漸愈也。

一每見已之吐紅。未免心中憂懼。鬱鬱不樂。要
知病已臨身。一時料難立愈。惟將死生置之度
外。百念俱空。萬緣皆息。自然心地清涼。病體痊
可。古所謂有病常如無病是也。
一病中調攝甚難。飲食最要謹慎。飢固不可飽
亦不宜。清晨宜用生雞子一箇。調勻用滾豆腐
漿冲入。乘熱飲之。五更時或用人乳一盞亦妙。

若乳冷。用重湯溫服。至於生冷油膩炙煇五辛。酸澁之物。俱要忌食。蓋有病之人。與無病之人。不同。無病者之飲食。皆能化為精血。有病者不能融化。必致停留。已然之病未痊。而未然之病又至矣。

一病體之寒暖。亦要得宜。受寒易於增病。太熱又助火上行。血亦隨之泛溢。務使著衣時漸增。漸減。方妙。若驟脫驟著。則氣體已虛。風邪易入。

又為下乘
人說法益
見作者苦
心

既屬內傷。又遭外感。不大可慮乎。
一血來時。不可卧倒。卧倒則血逆上行。須將藤
椅靠坐。夜則覆藉。以被褥。必血稍止。方可卧。若
口乾。略呷生地藕節湯數口。以滋津液。
一病愈後。尤宜葆攝。切不可。以我病已愈。不妨
任意縱恣。酒與色。務必永絕。即賭博諸事。亦不
可偶為。蓋勝負之間。未免患得患失。最易升火。
火既炎上。血必驟至。何可以無益之事。致敗家。

喪身乎故勞力事不可為而勞心事亦不可為
兢兢業業庶免病之復發古所謂無病常如有
病是也

證驗

朱震亨曰余見一老婦年逾八十貌似四十者
詢其故據云嘗有血症有人教服人尿服之四
十餘年老健無他病其後年至九十餘可見溲
溺不但能治病且能使人益壽也

李士材曰、司寇姚公、痰中帶血、喉間有血腥氣、百藥不愈、余按其脈、細而數、約有七至、此腎水竭、而相火旺之故、因進以童便之說、服之遂愈、至老不發、可見童便不但能治病、且能使病不再發也。

吳郡有成衣者、素嗜酒、濕熱蒸臟腑、忽嘔血數升、立時昏暈、余呼小童以溺灌之、乃甦、扶歸、余勸之日飲、自便四五次、月餘復至、余家飲食如

舊○顏○色○不○改○，可○見○傷○於○酒○而○致○血○症○者○服○自○便○
即○愈○也○。

華亭有一士子，家貧不能娶，直至四旬，娶一冉
醮婦，未免不謹。三四月後，咳嗽發熱，數日血如
潮湧。余令其亟服，自便并寓居菴觀，絕房事。彼
從余說，遂愈。可見傷於色慾而致血症者，服自
便立愈也。

武林有顯者，氣體素偉，飲啖兼人，忽嬰咯血症，

醫家知其素善飲且多姬妾酒後入房勢所必有遂進以血分藥佐以參芪豈知助其相火病勢益增余以戚末往候進以童便之說一服便覺稍可服之三月遂愈可見酒色兩傷而致血症者服童便亦能漸愈也

石門一閩商新婚數日即遠出未免思家念切遂致鬱火炎蒸吐紅不止勢甚劇余勸其服自便每日四五次數日血遂止可見積思而致

症者服自便立愈也。

婁上有貧者以步擔販魚為業。魚市在天妃廟
離城四十餘里。每日傍晚步至閘。裝魚百斤。四
更挑入城。清晨趕早市。如是者年餘。得嘔血症。
骨瘦如柴。坐以待斃。余勸之服自便。月餘而愈。
可見勞力而致血症者。服自便即愈也。

休陽有業釘鐵店者。寓居婁江。性暴無子。多鬱。
稍不如意。即怒甚。遂致鬱怒傷肝。吐血不止。服

平肝解鬱等藥不效。余令以雞子。豈腐漿。沖童便服之。遂愈。可見鬱怒傷肝而數血症者。服童便即愈也。

歙西有販豕者。酷暑中。從鄰邑挑歸。途間又經暴雨寒暑兩感。遂致咳嗽。咳嗽不已。繼之以血。服姜桂等藥。病勢日甚。聞童便甚妙。遂服其幼子之便。竟愈。魯珍仇兄云。爾可見寒暑兩感而致血症者。服童便立愈也。

同郡有販苧為業者、寓居婁東、偶吐血痰數口、
余曰、此血症之漸也、宜服童便、不可得、當以自
便服之、彼不以為然、未幾血大至、百藥不效、因
以余言質諸庸醫、醫云、小便性寒、恐妨胃氣、飲
食必減、彼遂終不服、卒殞命、可見不服童服之
害非淺也、世之服小便而血症立愈者甚多、
不服而致斃者亦不少、不能備載、第就目擊者
略誌數人、以令人警心、觸目云、

說得此身
所關甚大
耽酒色一
輩冬月見
之亦當汗
流浹背

夫余之著是論也。罔憚勤勞。而捐貲以刊。是書也。又不惜工本。非素明醫理。而假此以沽名。亦非急於謀食。而藉此以取利也。余家素溫飽。未嘗究心岐黃術。第見世人不思得此生甚難。受之天地。育之父母。幼既無知。失於調養。壯年已有知識。自當愛護己身。為承先啓後計。而乃縱恣無忌。或耽於酒色。或樂於鬪力。或因寒暑失時。飢飽過甚。致病之由不一。總由不惜此軀。無

曲突徙薪
之見善致
病者方規
為老生常
談耳

所不為之故。及病已臨身。方悔而思返。延醫服藥。一不效。遂歸咎藥力之無功。醫家之不善。又

忍虛扁亦少此立愈之藥

另換名醫。希圖立愈。獨不思藥餌雖治病之物。若犯必死之症。亦非草根木實。可以挽回。譬如備土以防。水不壅塞。其涓涓之流。而欲壅塞其滔天之勢。備水以防。火不撲滅。其熒熒之光。而欲撲滅其燎原之威。能乎哉。古聖人所以有不治已病。而治未病之說也。更可慨者。少年顯達。

血症良方

雷

麟振堂

清夜曉鐘
驚醒許多
春夢

不○思○建○功○業○垂○芳○名○顧○惟○酒○色○是○問○不○為○長○夜○
之○飲○即○圖○魚○水○之○歡○奔○走○門○下○者○且○多○方○覓○丹○
石○之○藥○以○求○媚○其○為○害○曷○可○勝○道○至○若○膏○梁○子○
弟○不○事○樗○蒲○便○崇○豪○飲○紅○樓○翠○館○覓○柳○尋○花○北○
里○南○隣○採○蘭○贈○芍○以○若○所○為○必○致○身○嬰○惡○疾○又○
豈○獨○血○症○一○途○哉○而○吾○專○以○血○症○言○亦○以○世○人○
因○血○症○而○殞○命○者○十○居○六○七○余○每○每○見○之○心○甚○
不○忍○寤○寐○弗○安○是○以○纂○成○此○帙○刊○以○濟○世○庶○閱○

顧凡有生者

無負○此廣長舌

是書者人人知自養之道。人人知服童便自便之法。而有此症。可以立愈。無此症。亦可以養安。

有廣○厦萬間胃次

長幼卑尊。無不各遂其生。各得其所。是余之素心也。夫書將告竣。夢一羽客。謂余曰。聞子有血

鬼神通○之

症。良方一卷。行將付梓。請試述之。余遂將卷中所言。一一告之。羽客曰。子可謂知無不言。言無不盡。蒼蒼者。其默佑之乎。及覺恍乎如見。亦可驗余救世之苦心。夢寐中如或遇之矣。雖然。童

便一味。非上池之水。橘井之泉。可以起死回生。

延年益壽。要不過以人身之水。制人身之火。以

勝言

童稚之元陽。補吾身之精氣耳。所貴抱病者小

探本之論

翼翼。凡有礙於病者。一切謹慎。不為依法服

如此而欲假漫溺以救之

之自然。萬無一失。若酒色如故。飲食不節。起居

恐杯水難救車薪火耳

無常。是雖素無病者。猶將諸病畢集。况有病者

乎。此秦緩所以不能救膏肓。越人所以不能治

骨髓也。至於小便之源流。氣化東垣已詳辨之。

固無俟余之贅言已。